



Isak Johannessen
Inatsisartunut ilaasorta, Naleraq
inatsisartut@ina.ala.gl

Nioqqutissanik pilersuineq sikusiutillu pillugit § 37 naapertorlugu apeqquaqqaammut 2026-043-mut akissut

Ulloq: 12-03-2026
Suliap nr.: 2026 - 5099
ID. nr.: 80357069

Asasara Isak,

Inatsisartut suleriaasianni § 37 naapertorlugu nioqqutissanik pilersuineq sikusiutillu pillugit Naalakkersuisunut apeqquaqqaateqarput. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1: Sinerissami sikusartumi Kalaallit Nunatsinni sooruna sikusiutinik angallateqanngittugut pajuttaatinik?

Akissut: Sikusiutit pisiarineranni suliaqartinnerannilu aningaasartuutit qaffasinnerat pissutigalugu nunami namminerimi nioqqutissanik assartuussinnermut tapersiinissamut sikusiutinik Naalakkersuisut pisisimanngillat.

Apeqqut 2: Pilersuisinnaaneq ukiuni kingullerni pitsanngorsassagaanni Naalakkersuisut periarfissanik misissuiffigivaat? Misissuisoqarpat suliaq sumut killippa?

Akissut: Nunami namminerimi nioqqutissanik pilersuinerup pitsanngorsarnissaanut periarfissaqarnera Naalakkersuisut ingerlaavartumik misissortarpaat. Royal Arctic Line A/S-ip angalanissamut pilersaarutai kingullermik 2025-mi oktobarimi naleqqussarneqarput. Tassani pisiartut maannakkut pisariaqartitsinerat eqqarsaatigalugu nioqqutissanik pilersuineq immikkut naleqqussarneqarpoq, tamannalu Naalakkersuisut umiarsuaatillip angalanissamut pilersaarutaannik akuersissuteqarneranni suleriaasiuvoq nalinginnaasoq.

Apeqqut 3: Illoqarfiit ilaasa sikusarnerat kinguarpoq, ukiornera kinguarpoq periarfissat nioqqutissanik pajuttuilluni sooruna Naalakkersuisunit atorluarneqanngitsoq?

Akissut: Ukiuunerani suliaqarfiusartup kinguarnera malillugu nunami namminerimi nioqqutissanik pilersuineq Naalakkersuisut naleqqussartarpaat. Assersuutigalugu 2024-mi aamma 2025-mi ukiuunerani piffissap sivilunerunera atorluarniarlugu ukiumi sapinngisamik kingusinnerpaami Royal Arctic Line A/S Tasiilamut tikinniarsarigaluarpoq.

Tamatuma saniatigut nunami namminerimi sikoqarneranut tunngasut malillugit nunami namminerimi nioqqutissanik pilersuinerup aqqissuunnissaanut Naalakkersuisut Royal Arctic Line A/S aamma DMI ingerlaavartumik oqaloqatigisarpai.

Apeqquut 4: Atorluaanissamut suut aporfiuppat?

Akissut: Nunap immikkoortuisa arlaat pineqarnersoq aporfissani annertuumik apeqqutaasarpog. Avannaani aamma Tunumi assersuutigalugu ukiuunerani sikusarnera assigiinngitsorujussuuvog.

Naalakkersuisut peqatigisaanik paasivaat sumiiffinni aalajangersimasuni ukiumiit ukiumut sikusarnera assigiinngitsorujussuuartog, aammalu avataata sikusarnera sukkasoorujussuarmik allanngorsinnaasarluni.

Sikusimanerata annertuumik nalornissutigineqartarfiini piffissani Royal Arctic Line A/S tikinnissanut pilersarusiussappat, tamanna umiarsuup inuttaasalu ajoqusersinnaanerisa annertuumik aarlerinaateqarneranik kinguneqartussaavog.

Tamatuma saniatigut ilaatigut ukiuunerata qaammataanni sikusartunut, taakkua piffissat ilaanni sikusimanngikkaluarpataluunniit, umiarsuit tikissinnaanissaat Royal Arctic Line A/S-ip qulakkeersinnaanngilaa.

Umiarsuit umiarsualivinnut ikissinnaanersut taamaalilluni nalorninarmat, usit annikitsuinnaat nassarneqartarput aammalu angalaneq tamarmiuseq imminut akilersinnaasusnaanani.

Periarfissanik atorluaanissamut periarfissanik tamakkiisumik nassuiaanissaq § 37 naapertorlugu apeqquteqaatip matuma killissaasa avataanniippoq.

Apeqquut 5: Nalimmassaanissamut system-imi suna aporfiua?

Akissut: Imaatigut angalaneq umiarsuarmut inuttaanullu isumannaatsumik ingerlanneqartussaavog. Tassunga ilanngutissaaq assersuutigalugu Pilersuisumut nioqqutissanik umiarsuarmik assartuussisoqarsinnaalinnginnerani, imaatigut angalanerit piffissaqarlualuni pilersarusiorneqartussaanerit. Pilersuisog angalanissamut pilersaarut malillugu nioqqutissanik nassiussinissamut pilersarusiortarpoq aammalu aallartussat immaqa piviusunngornavianngitsut atornagit, qularnaatsumik aallartussani nioqqutissanik nassiussinissaq iluarinerullugu.

Apeqquut 6: Pajuttuisarnermi nunaqavissut atugaat misissuiffigineqarpat?

Akissut: Ukioq ataaseq siumut angalanissamut pilersarusiortarluni maannakkut periaaseq usinik assartuussinissap pilersarusiornissaanut periarfissiivuvog, taamaalilluni piffissamut umiarsuarmik pilersuinissap qularnanngitsumik ingerlanissaanik naatsorsuuteqarfiunngitsumut pilersuisoqarsimassalluni.

Apeqquut 7: Allat system-iat nunatsinnut tulluussagaangittoq atorneqarpa?

Akissut: Sikuerunnerani umiarsuarmik nassiussanik assartuussinissamut aammalu sikoqartillugu timmisartumik qulimiguulimillu nassiussalerinissamut nunatsinni periarfissaqartarpoq.

Apeqquut 8: Sikusiuteeqqamik pajuttaateeqqamik Naalakkersuisut sanatitsissamaarpat?

Akissut: Nioqqutissanik pajuttaatissanik sikusiutinik sanatitsinissamik Naalakkersuisut maannakkorpiag pilersaaruteqanngillat.

Apeqquut 9: Naalakkersuisut sanatitsissappata qanoq pisortanut aningaasatigut allaffissornikkullu, namminersorluni inuussutissarsiuteqarnermut aningaasatigut allaffissornikkullu kiisalu Innuttaasunut aningaasatigut allaffissornikkullu kingunerisassai suuppat?

Akissut: Immikkut misissuisoqanngippat allaffissornikkut, namminersorlutik inuussutissarsiuteqartunut innuttaasunullu aningaasaqarnikkut sunniutaasussat Naalakkersuisut tamakkiisumik nassuiarsinnaanngilaat aammalu apeqquutip taassuma akissuteqarfiginissaa § 37 naapertorlugu apeqquuteqaammut akissuteqarnissamut killissat avataanniippoq.

Neriuppunga qulaani allaqqasuni apeqquuteqaatitit akineqartut.

Inussiarnersumik inuulluaqqusillunga



Aqqaluq B. Egede